

Échi Instituto Estatal Electoral Chihuahua nirúami, mápu rika aní échi oséli osirúami **IEE/CE70/2020**, mápu riká aníli Consejo Estatal isima

BAJUREWA A SINÉAMI RALÁMULI, REJÓI ALÍ MUKÍ KERÉ MÁPU ABÓNI A NÁTKA NAKÚRO (KE BILÉ PARTIDO KÍTI) RE´ENALI JÉPI NA JAWÁLIWACHI, MÁPU NÍMA RE ÉCHI USÁNI INÁRACHI JUNIO MECHA OKUA MILI OSAMAKOI BILE BAMÍBALI INÁRACHI, AYÉNA A NAKÚLIWIPA RE MÁPU JÁWAMI JU PRESIDENCIA MANICIPAL, REJIDURIAS ALÍ SINDICATURAS MÁPU NIRÚA RE JÉ NAÍ USÁNISA MAKÓI KICHÁO MUNICIPIOS MÁPU NIRÚA RE JE NAÍ ESTADO DE CHIHUAHUA, jerika nisa re

JÉRIKA NÍMA RE ÉCHI

BACHAKO. Névála mapurika. Échi cho a tániwa mápu riká a inéma mápu riká aní áchi artículos 21 a lí 127 mápu jú Constitución Política del Estado Libre a lí cho Soberano de Chihuahua, alí cho 8 níwala Ley Electoral del Estado, mápu riká uchúwi naí bachámi.

- I.** Nísa re mejikano je naí ochérikami, alí chihuahua bitéami, mápu a ke namúti isíka iyénami jú.
- II.** Á níwisa re osá makói bilé bamíbalí, bamibákami échi alí rawé mápu alí jawába. we nalí echí ko mápu bisirénte municipal re´enaliko a níwisare a osá makói malí bamíbalí sebárika, mápu alí jú échi rawé botáriwachi.
- III.** A bela a bitélisa re échi usáni mecha échina mápu oná re´enali, we nalí binói a nóchali níwisa a jaréanacho a cargos públicos mápu riká gobierno yúa nochása, échiko chu ko re ke échina bitéa atiké.
- IV.** Ke tási nísa re jaré teyópachi a keré templochi raíchami.
- V.** Ke tási bachárami nísa re bilé bamíbalí simíríka alí ke namúti cháti isíka iyénami nísa re échi, jéna makói bamíbalí jónsa
- VI.** Ke tási nóchami nísa re échina Federalchi, estatal alí municipal keré, mápu riká nísa walubéala nulámi, a wé nalí a ku riwésa échi nóchali échina bilé rawé rapakóna mápu alí chóta échi campaña alá cho níma. Ke tási nísa riwéili bisirénte échina comité ejecutivo nacionalchi, estatalchi, municipalchi walúala, o militante, o a jarécho biléana partido político anelíachi, o bikía bamíbalí jubáka jónsa mápu alí botáriwachi, ke tási cho nísa candidata chabé candidata o che jaré re´éki jawáliami échi bilé partido político

kítira o napawíka wikabé partidos ma, jubáka ka, a kalá nisa ko mápu riká aní legislación alá níma re.

VII. Mápu nisa re bilé a nijéwami o isíma botáriwachi

VIII. Ke tási nisa re magistrada échina Tribunal Estatal Electoral, a riwésa ko échi nóchali chabéka jónsa mápu riká aní échi artículo 107, numeral 2, échi níwala Ley General de Instituciones alí Procedimientos Electorales;

IX. Ke tási nisa re bisirente je naí Instituto Estatal Electoral o consejera electoralchi nirúami, o wé nalí a ku riwésa échi cho a chabé jónsa mápu riká inérami jú 100, numeral 4, échi níwala Ley General de Instituciones alí Procedimientos Electorales;

X. A ruméa échina Instituto Estatal Electoral, mápu binói namúti níwala, o mápu níwika bité, alícho a oséka a animéa mápu ke tási níwa échi antecedenes penales o policiacos (échi ko jú mápu mu mujé namúti ke kalá isísa) binói yúa bitéami a jarécho sayérika, kichía iyénisa jaré mukí o rejói keré.

XI. Ke tási winijírami nisa échi mukí sayérika iyénisa o rejói keré ma. Ali ma ke tási nijía inása échi kúchi koála échi riká nisa mápu alí a binói machiká a niwása oséli mápu échi riká oláma ruli.

OSÁMI, a chécho ku re'énali. échi sinéami rejói alí mukí mápu a wilíami jú mápu re'éka wilíali nalí kítira bilé candidatura Independiente, a échiko a oméro a re'éacho échi mápu jípi a wilícho, péé che siné a

Mápu riká aní jéna júbaka aní échi sinéami a mápu a re'énali mápu riká aspirantes mápu péé kécho re'ekí, pe chiríka náta, a bela a chécho tánika isíma re échi sinéami ralámuli áchi u'íriala che.

Alíko a mápu a chécho ku wilibánali échi regidurías alí sindicaturas a bela oméra che re'éaba péé ke tási riwéka échi nóchali nísako regidoria alí sindicatarura.

Échi mápu regidoras jú a chécho nakí mápu wilárami níma péé bela a oméro nalí pe échina mápu jípi municipio wilí. Échi mápu oná inárami échi mápu aní chu riká síro échi planilla échina bela uchúma échi candidatas a keré ma candidatos, alá jarécho a mápu jarécho namúti kítira re'éma re.

BESÁMI. Oselí. Mápu riká jú ne bajuréliwami, a bela nawása re jéna oséli yúa:

- I. Ruméa mápu re'énali jéna re'éki candidaturas independientes anelíwami, Osaká nijísare, échi oséli ke tási kopia ko, échi “Formato MMA01”, mápu níwisa ré pe jaré namúti mápu jú: kárika riwalá mápu re'énali, mápu riká chukú échi credencialchi botárialala jú échi chuála atíami, alí animéa mápu píri re'énali, alí cho bilé firma autógrafa, o ke tási níwisa ko pe échi rachínima échi makúsalachi, alí ayénacho a níwima biléala mápu aní jaréana oselíchi mápu alí níwisa. Échi clave elector, OCR (a ináro échi identificaciónchi jubáka) alí CIC (échi ko jú código anelíwami mápu credencial botárialala níwi), bilé numero teléfono níwala, correo electrónico anelíwami mápu a iyénachi a Facebook o Google anelíachi, alí píri mi jú rejói o mukí, alí ayénacho a animéa a jaré ralámuli jú a jarécho si keré mápu chabé jónsa je naí piréili, o mápu riká mi anéliwa, alí bilé correo electrónico mápu animéa suwába namúti mápu ti aníli, alí échi suwába namútí a inérami níma mápu alí taa inása échi nakúriami.

- II. Échi mápu riká isíli ko a bela a yúa inárisa re échi jéna oselíchi
 - a. Échi kopia mápu jú bilé acta constitutiva bilé asociación civil níwala mápu níma re échi bajuréami mápu jú candidaturas Independientes. Échi asociación a belá niwárami nísare jépi na, échi newáma mápu re'énali, alí échi mápu wilíami ka chukuméa, ayénacho a mápu a tibúa o inéra chukú échi namúti natéami. Échi acta ko a bela niwáma cho , mápu riká a anérami o inérami keré échi *Lineamientos de candidaturas independientes echi olíala Proceso Electoral Local 2020-2021*;
 - b. Échi pe kopia alí bilé oséli mápu échina aní mápu échi asociasion civil a atícho échi Sistema de Administración Tributaria anelíwachi;
 - c. Oselí mápu aníami jápi a níwi bilé cuenta bancaria échi níwala asociasion civil;
 - d. Osaká animéa, mápu a ne wichíwali a aní mápu, alí a ayénacho a suwába a alá jú mápu riká aní artículos 21 alí 127 échi níwala Constitución Política del Estado de Chihuahua, alí ayénacho artículo 8 níwala Ley Electoral del Estado de Chihuahua, échi “Formato MMA02”;
 - e. Pée bilé kopia machibúma bachámi alí jubáka échi credencial botárialala chuála atíami, échi níwala mápu isíli, alí mápu wilíami ka chukuméa, alí ayénachi échi wenómi tibúami o nesérami;

- f. Ayénacho a osaká biléana “Formato MNE”, échi mápu re’énali alí méa binói ikiwika mápu échi raíchali ko a náwiramí níma electrónico anelíwachi, a osaká binói échi mápu ne bachá chukuméa;
- g. A animéa échi échina “Formato MDP”, échi mápu binói o mápu ikíka píri níwia.
- h. Alí mápu ikí binói muyéwi o natétia wenomí anéwami Declaracion Fiscal;
- i. Alí bilé formato mápu a katúwitami níili échi mápu ne chéa chukuméa, alí cho ayénacho a animéa a níwia échi wenomí o we alá bité échi mápu jú bachá chukúami, échi ko osaká alí binói baweráka rewalá nijíma, alí a jarécho oselí mápu riká a aní Sistema Nacional de Registro de Precandidatos alí Candidatos (SNR) del Instituto Nacional Electoral;
- j. Alí a binóiko oselíchi o biléana mápu aní mápu échi mápu re’énali ko a jú o jónsa ináro biléanachi pueblo ralámuli pirélichí;

Échi formato mápu riká aní échi candidaturas independientes alí échi bilépi modelo aníala Estatutos de la Asociación Civil, a bela inébo échina portal internet "www.ieechihuahua.org.mx", a nirú biléana “Candidaturas Independientes”, échina animéa chu riká níma, alí ayénacho a wilí bilé kalí je naí avenida División del Norte, número 2104, colonia Altavista, de la ciudad de Chihuahua, Chihuahua, ayénacho a jaréana municipiochi a nirú oficinas municipales;

NAÓSA. Échi Sistema Nacional de Registro, a bela a anisáre échi jaré mápu re’énali ko a tása re je naí Institutochi bilé folio anelíwami mápu náti bakiméa rikásia échi SNR alí a bochíwima alí buwanáma keré oséli échi jaré formato nirúami inciso **i)** échina nirúami, échi folio ko machí páwa jérika;

- a) A mi tániwa kíti mi náwima échi bilé bochíwika bilé formulario jenaí internechi https://forms.office.com/Pages/ResponsePage.aspx?id=-6qVxwbKS0OOLHZeRzgGgWcHWXBON21Fjh_MVyHef8BUMFIQTEZROTdDSjZNUktLMicyOUhZQIlyMC4u;
- b) Alí ayénacho a binói simiká échi oficinas centrales jéna Instituto níwala mápu jú avenida División del Norte número 2104, colonia Altavista, en la ciudad de Chihuahua, Chihuahua; alí ma
- c) Raichábo ma telefonochi jéna 6144321980 extensiones 2076 o 2079

Échi bochíwiliami ko oselí ke tási ma je aní mápu mujé ma jú aspirante bilé candidatura independiente, alí échi ko bela a níma échi aspirante a candidatura independiente ma a nijísa échi Instituto Estatal Electoral.

Jaré namúti a néwaleako a machinálía ka échi SNR, échi mápu machináli a bela a anéma o simáma échi Unidad Técnica de Fiscalización del Instituto Nacional Electoral, a yúa échi Dirección de Programación Nacional, échi teléfono 55 5599 1600, échi extensiones 423116, 421164 y 421122, échi correo electrónico reportes.snr@ine.mx ayénacho.

MALÍMISA, Chu riká alí kúmi simíra échi anísia mápu échi riká katúwa. Mápu alí jónisa júko jú échi rawé **22 mecha noviembre alí 16 rawé inárachi mecha diciembre jéna bamíwali 2020**, echinámi Consejo Estatal ayénacho a keré Asamblea Municipal jéna Instituto níwala mápu nirúlíma re mápu jú échi cabecera distrital mápu alí ti anisa kúmi níma re, anibóati nalí **22 noviembre mecha je naí bamíwali 2020**, alí ayénacho a a échi portal internechi tamujé níwala.

USÁNISA. Chú riká anibóa o inérami jú échi Aspirante. Échi Consejo Estatal del Instituto Estatal Electoral a bela ma alá animéa échi rawé **26 mecha diciembre jéna bamíwali 2020**, mápu chu riká jú échi mápu re'énali

KÍCHAOSAMI Nikúriami ralámuli. Échi mápu chu riká nakúra nokiméa échi ralámuli échi mápu re'énali nirá a bela níwima échi **28 inárachi mecha diciembre jéna bamíwali 2020** a suiníachi échi **19 enero mecha bamíwali 2021**.

OSANAÓSAMI Chuki nawáli kuírowami. A bela a napabúsa re jaré bawerála o firma anelíwame ma, jaré ralámuli mápu oná re'énali chiná piréami, mápu riká aní artículo 205 échi Ley Electoral del Estado de Chihuahua níwala, mápu riká a anirúami échi tablas descritas nálichí Lineamientos níwala.

KÍMAKOISA Kúmi jónsa siméa wenomí. Mápu riká níma re échi nikúriami mápu u'írinili échi ralámuli échi wenomí nijía, a bela anérami níma chu ikí jónsa oméera naréa échi bela a animéa Consejo Estatal del Instituto Estatal Electoral a bela nísa re 30% échi riká bela

olárami níli chabé mápu re'élícho, ayénacho piri kítira re'éma reko, a bela uchúi chu riká níma re.

MAKÓISAMI, Tánia a keré échi solicitud kíti inépo, mápu nijírami jú a bela a inéro chu riká o a wé alá jú ke tási alá keré échi bela jú Instituto Estatal Electoral nalí rawé 20 a 24 mecha enero bamíbali 2021 échi nalí "Formato RD01", a niwámi jéna rawé aníami:

- I. Rewalá suwába alí bawerá firma o nalína rachínika échi nalí makúsala kítira, échi bachá chukúami aní júbami suplente anelíwami;
- II. Kúmi ochérali alí pírí rawé;
- III. Kúmi bité alí chu ikilí níwi échi na bitéa;
- IV. Échi correo Electroniko;
- V. Pírí isíami jú o pírí nóchami jú;
- VI. Clave elector níwala;
- VII. Alí animéa pírí re'éma ru jéna re'ékiachi
- VIII. animéacho a mápu ralámuli ko ru o échi chiriká náta ru
- IX. Alí ayénacho a animéa jépi kúa níma re échi representante legal, bilé numero teléfono alí biléana kúmi naréma notificaciones anelíwami.
- X. Alí Ayénacho a animéa jépi animéa re échi wenomí tibúami níma alí a kúmi a riwibó échi, alí mápu nijía chukuméa échi informes anelíwami.

Alícho si échi solicitud ayénacho a si inárima échi jéna oselíchi yúa:

- I. Ucháma cho mápu a aní mápu binói nátika ke wési anéli mápu níma candidata a keré ma candidato independiente mápu riká "Formato RD02";
- II. Kopia alá machíami échi acta nacimiento (pée a kulí machibúrami) alí ayénacho échi credencial botáriwami okonámi bachámi alí jubáka;
- III. Échi mápu oná animéacho échi namúti wé natéami mápu chu sía nínali ru échi alí mápu riká nocháma ru échi candidatura independiente jéna campaña electoral;
- IV. Nalí échi mápu machirúami échi bilé cuenta bancaria irápitami aminá bancochi mápu oná neséribó échi wenomí échi re'éami candidatura independiente;
- V. A rúma cho informe anelíwami mápu chú riká suwábali o chú riká naréli échi kuírili échi ralámuli níwala, ayénacho mápu árami jú échi Sistema de Fiscalización del Instituto Nacional Electoral kítira;

VI. A biléana a osaká a animéa mápu a ne wichíwali rika ani echi bela a animéa echi nali kítí “Formato RD03”

- a. Kúmi bité o piré échi mápu re'éma re alí chu kabú jónsa bité échina
- b. Alí ke tási cho naréma wenomí échi ke alabé nísa o jarécho cháti namúti nóchami nijísa o jarécho mápu péé ke alá nátika nijísa.
- c. Ke tási nísa riwéili bisirénte échina comité ejecutivo nacionalchi, estatalchi, municipalchi walúala, o militante, o a jarécho biléana partido político anelíachi, o bikía bamíbali jubáka jónsa mápu alí botáriwachi, jéna kécho chótachi Proceso Electoral 2020-2021;
- d. Ke tási nísa chabé échi candidata o candidato bilé partido político kítira o napawíka a ma re'éka nokisá échi, biléana re'éwami proceso electoral Federal o local alí.
- e. Ke bilé namúti ke nakíwitami nísa cho o jarécho keré winijárami nísa échi mápu nínali candidato independiente.

VII. Oséka a animéa mápu échi wenomí mápu muchúwi o muchuwárami níma échina cuenta bankochi échi asosiasion civil níwala a inérami níma péé chuwé rawé, échi walubéala kítí, a mápu riká aní “Formato RFCB”;

VIII. Alí ayénacho a píri aníami níma re échi o chu riká machirúami níma échi medio digitalchi, alí chírika bawerárami inárima o iyókitami jú échi candidato independiente, mápu riká jéna bachámi ni mi anéma:

- a. **Échi Software enérami:** Illustrator
- b. **Chu uchulúpi jú:** a anáwitami nísa re 5 x 5 cm.
- c. **Chu iyéri níma échi chuála o imagen:** Trazadas aniwámi vectores (mápu jú échi anáwika).
- d. **Tipografía:** Ke tási wési che niwáma alí alá niwáma
- e. **Iyókitami:** a ruyéka chu riká toméa échi iyókiala chu ikí niwásimi.
- f. Échi emblema ko tási chuala atiami nísa re échi candidato independiente níwala tási iyéri nísa re mápu riká échi partidos policos níwala, alí kécho mápu riká échi Instituto Estatal Electoral o del Instituto Nacional Electoral, ke bilé religiosos níwala cho o jarécho namúti échi ma échi religioso.

- IX.** Pée bilé kopia bachámi alí jubáka échi credencial botárialala chuála atíami, échi níwala mápu representante lega jú, alí mápu uíría chukuméa, alí ayénacho échi wenomí tibúami o nesérami alí mápu a isíma nijéwa échi informes mápu chírika járo, alí a nijíma cho osaká biléana mápu oná a riwibóa.
- X.** A bela a níwima cho bilé respaldo o katéwika a biléana oselíchi múpu a nijéwitami jú, alí a níwicho échi riwalá, firma, alí clave de elector, OCR, CIC alí sección, numero, chú kabú niwárami jú, a si inárisa re échi kopia we alá machíami échi credencial botárialala níwala échi mápu nakí o u'íra járo échi re'eami échi planilla.

MAKÓI BILÉSA A bela a inéma re échi mápu nijíli échi ba a nijéwika mápu riká ti aníli naí a bela níma re **20 enero mecha a suinía cho ámi 23 febrero mecha bamíwali 2021.**

MAKÓI OKÚASA A animéa chírika níma échi nijíliami mápu re'éma candidaturas. Échi Consejo Estatal níwala Instituto Estatal Electoral a bela a napawíka raicháma ke tási simírisa re échi rawé **24 mecha febrero bamíwali 2021**, kíti abóni a nokimá inéa échi a we alá ka mápu abóni a aníli mápu alí nijíli oselí o chírika katúwa échi mápu re'énali canididaturas independientes.

MAKÓI BESÁ Ma ne registraría o nijía kárika oselí échi na candidarutas. Mápu alí échi naréwa échi suwába namúti oselí keré mápu re'énali échi candidaturas mápu re'éma diputaciones jéna jawáliwachi Proceso Electoral Local 2020-2021, a bela a nijíma o inériami níma **nalí rawé 8 alí suiníka 18 marzo bamíwali 2021.**

Échi sesión mápu riká niwárami níli échi naréala registro échi candidaturas níwala ko a níma re **8 mecha abrilchi bamíwali 2021.**

MAKÓI NAÓSA, Chu riká ta tibúla échi nawilí kítira. Mápu riká a nirú jípi échi nawilí wé chátí naí paischi alí a wécho tamujé níwala estado Chihuahua mápu riwéwa COVID-19, échi naréliwami oselíko o mápu anináli o nijínali jaré requisitos alí re'éнала nokináli, a bela anisá re o anéma bachácho píri ráwe, a raíchaka teléfono 614 432 1980, extencionchi 1800, 2079 o 2079. A bela échi naréliwami ko nísá re mápu riká ti aníli chu riká, píri tosare, alí píri níwisare. Jérika nima re:

- I. Pé bilépi nakíwipo mápu bakiméa échina pachá, a ne wé natéami nisa ko péé okúa ralámuli a simárika nijíma échi.
- II. A mápu a pachá abakíko bela uchaká bakiméa échi cubrebocas, riníla alí chomála chéwika.
- III. A mápu alí a bakíachi échina a bela inébo áchi ke níwia ratalí, alí ámi alá oméra iyéna iwía, ámi uchébo re sikachí échi gel mápu níwa 70% alcohol, ayénacho a paníkima, alí nayúa iníliko échi iwíiala kutachí, alí ratalí ke bela mi nakíwipo re bakiméa échina.
- IV. Alí ayénacho a a mápu riká aníli mápu re'énali échi inéliwami ko oselíchi o náriwami namúti a bela a mi nijíma mápu riká aní jéna convocatoria alí muchúaka biléana bolsachi plástico anéliwami.

MAKÓI MALÍSA. A anéliwami ko jéna a níwicho échi derechos nalí échi candidatas o candidatos independientes mápu registrari, a bela animéa échi Ley Electoral échi Estado de Chihuahua.

MAKÓI USÁNISA. A transparencia alí échi oselí ralámuli níwala, échi oselí mápu nijísa échi mápu re'énali aspirantes anéwami, a a bela a muchúwi alí tibútami níma mápu riká aní Ley General de Protección de Datos Personales, échi Ley de Protección de Datos Personales del Estado de Chihuahua alí ayénacho Aviso de Privacidad respectivo, a muchuwárami o buyanárami mápu a sinéami éna jéna Institutochi: <http://www.ieechihuahua.org.mx>

MAKÓI KICHÁOSA A jarécho namúti ke anirúami, a jaré mápu ke anirúami jéna convocatoria a bela inérami níma alí karéwitami níma jéna Consejo Estatal del Instituto Estatal Electoral de Chihuahua kítira

El suscrito Encargado del Despacho de la Secretaría Ejecutiva del Instituto Estatal Electoral de Chihuahua, con fundamento en el artículo 68 BIS, numeral 1, inciso a) de la Ley Electoral de esta entidad federativa, certifico que la presente página marcada con el número 9 (nueve) es la última del documento denominado "Convocatoria a las Ciudadanas Y Ciudadanos que de manera Independiente deseen participar en la Elección Ordinaria a celebrarse el 6 de junio de 2021, para renovar los cargos de Presidencias Municipales, Regidurías y Sindicaturas de los sesenta y siete municipios del Estado de Chihuahua, para el Periodo Constitucional 2021-2024", aprobada mediante acuerdo de clave **IEE/CE70/2020** del Consejo Estatal de este Organismo Electoral Local.

Chihuahua, Chihuahua a veintiuno de octubre de dos mil veinte.

**IGNACIO ALEJANDRO HOLGUÍN RODRÍGUEZ
ENCARGADO DE DESPACHO DE LA SECRETARÍA EJECUTIVA**